

Invitaziun a radunanza communal Surses

Glindesde, igls 21 da zarcladour 2021, allas 20.00, vign salvada ainten la Sala Grava a Savognin ena radunanza communal.

Tractandas

1. Bavegna ed elecziun digls dombravouschs
2. Rendachint 2020
 - a) Preschentaziun e discussiun
 - b) Approvaziun
3. Rendachint davart projects d'investiziun terminos 2020 - infurmaziun
 - a) Project d'investiziun «construcziun nova Punt Lecsch a Savognin»
 - b) Project d'investiziun «sanaziun Veia Cantunala Mulegns»
 - c) Project d'investiziun «sanaziun dalla veia da cumegn Veia La Motta a Parsonz»
 - d) Project d'investiziun «sanaziun piazza da sport Beiva incl. bietg»
 - e) Project d'investiziun «equipaziun zona d'industreia Punt a Cunter»
 - f) Project d'investiziun «furmaziun nova digl kiosk e digl conturn Lai Barnagn»
 - g) Project d'investiziun «construcziun nova amplificaziun implant da teir Livizung a Rona»
 - h) Project d'investiziun «traject ed infrastruttura center da cursa lunga Rona»
4. Contribuziun da promoziun à fonds perdu da fr. 250'000.00 alla Fundaziun Piz Mitgel Val Surses per la sanaziun digl Hotel Piz Mitgel, Savognin, sa basond sen las directivas communalas davart la promoziun da hotels e da menaschis d'alloschamaint cun letgs administros
 - a) Preschentaziun e discussiun
 - b) Approvaziun
5. Introducziun dalla lescha per carar sen veias da prada, fons, gôt ed alps digl cumegn da Surses - infurmaziun
6. Diversas infurmaziuns
7. Varia

L'invitaziun è neida tarmessa a tot igls votants e votantas ainfer igl termin fixo.

Infurmaziun pertutgont concept da protecziun Covid-19

Tenor igl concept da schurmetg digl cumegn pertutgont Covid-19 ègl obligatoric da purtar ena mascrigna da protecziun, tant sen igl areal davant igl bietg polivalent Grava scu er agl interior digl bietg e durant l'antiera radunanza communal. Per evitar tgi las participantas ed igls participants vignan an contact sen spazi mengia strètg, prevei igl concept da manar las persungas agl intern digl bietg. Per la participaziun alla radunanza communal metta igl cumegn a disposiziun gratuitamaintg mascrignas da protecziun.

Nous speragn sen numerosa participaziun.

Tinizong, igls 8 zarcladour 2021

Suprastanza communal Surses